

SG perlu waspada tak pecah belah bangkit dari pandemik: Lawrence

Kongsi pandangan
bagaimana negara
dapat tangani fahaman
berpuak, politik identiti
yang meningkat

► **ATIYAH MOHD SAID**
atiyahm@sph.com.sg

SINGAPURA harus berjaga-jaga agar tidak membenarkan perbezaan memecah belah rakyat sedang ia bangkit semula daripada masa sukar ekoran pandemik, kata Menteri Kewangan, Encik Lawrence Wong.

Ini meskipun beliau akur adalah menjadi sifat semula jadi untuk merasa selamat dalam masyarakat masing-masing dan melihat kepada masyarakat lain sebagai punca tekanan dan kekecewaan.

Encik Wong berkata demikian dalam satu sidang mengenai identiti politik dan fahaman berpuak (*tribalism*) anjuran Institut Kajian Dasar (IPS) dan Sekolah Pengajian Antarabangsa S. Rajaratnam (RSIS), semalam.

Berkongsi pandangan mengenai bagaimana Singapura dapat menangani fahaman berpuak dan politik identiti yang meningkat, Encik Wong antara lain menggalak rakyat agar mengukuhkan hubungan antara manusia dengan meningkatkan norma sosial seperti sifat berbuat baik. Rakyat juga, menurut beliau, harus mengelak daripada menetapkan stereotaip bagi sesetengah kumpulan atau mengandaikan yang setiap masyarakat itu adalah monolitik atau seragam.

Encik Wong akur konflik yang wujud sekian lama di antara identiti nasional dan puak terus “menjadi antara kuasa yang memacu keganasan dalam dan antara negara”.

“Fahaman berpuak baru” dalam masyarakat moden pula meliputi pelbagai isu, daripada hak mengundi mahupun vaksinasi, jelas beliau.

Encik Wong menarik perhatian baha-

“Jika kita tidak berhati-hati, fahaman berpuak baru ini akan berakar dengan mudah di sini dan politik kita akan ditentukan oleh isu identiti baru...”

Cabarannya ialah untuk menerima dan melakukan yang

terbaik untuk menangani keprihatinan yang sah bagi setiap ‘puak’, tanpa membenarkan politik kita berdasarkan kepada identiti atau ikrar berpuak sahaja.”

– Menteri Kewangan, Encik Lawrence Wong (gambar atas).



wa perang budaya yang bermula di Barat sudah mula mewujudkan bentuk politik identiti baru, menjangkau isu agama dan bangsa.

“Jika kita tidak berhati-hati, fahaman berpuak baru ini akan berakar dengan mudah di sini dan politik kita akan ditentukan oleh isu identiti baru,” ujar beliau sambil merujuk kepada isu seperti identiti jantina.

“Cabarannya ialah untuk menerima dan melakukan yang terbaik untuk menangani keprihatinan yang sah bagi setiap ‘puak’, tanpa membenarkan politik kita berdasarkan kepada identiti atau ikrar berpuak sahaja,” terang beliau.

Pada masa yang sama, Encik Wong akur politik identiti timbul ekoran perbezaan nyata yang dihadapi dalam kehidupan pelbagai masyarakat dan perbezaan ini tidak boleh diketepikan atau diendahkan.

Beliau memberi contoh kaum Hawa yang terus memikul tanggungjawab tidak seimbang dan kurang diiktiraf di tempat kerja berbanding lelaki dan golongan kurang upaya yang tidak dapat menyer-

tai masyarakat sepenuhnya.

“Ini adalah keprihatinan penting. Kita tidak boleh katakan kepada mereka bahawa keprihatinan mereka itu tidak benar atau dibesar-dibesarkan.

“Jika kita mahu meneruskan etos pengasas Singapura, setiap warga wajar mempunyai tempat dalam masyarakat, tidak kira latar belakang, status atau identiti budaya dan bangsa.”

Menurut Encik Wong lagi, masyarakat Singapura kini lebih berpelbagai tetapi juga mempunyai lebih banyak persamaan dan identiti Singapura menjadi lebih kukuh.

“Jadi bagaimana kita dapat mengimbangi permintaan bercanggah kumpulan identiti berbeza sementara mengekalkan masyarakat harmoni dan bersatu padu?” ajuk beliau.

Dalam hal ini, beberapa pendekatan disarankan Encik Wong – termasuk mengukuhkan hubungan antara manusia, yang perlu dimulakan dengan semangat sikap timbal balik dan hubungan kekeluargaan setiap hari.

■ **Laporan lanjut – Muka 6**

PERSIDANGAN MENGENAI IDENTITI IPS-RSIS

Usah tanggap melulu, prejudis terhadap sesuatu kaum

Lawrence Wong: Pandangan serong, stereotaip sukarkan cari kesaksamaan, huraian bermanfaat bagi semua pihak

► **CHAIRUL FARMY HUSSAIN**
chairul@spn.com.sg

RAKYAT Singapura tidak harus mempunyai tanggapan melulu atau pandangan stereotaip, apalagi bersikap prejudis, ke atas sesuatu kaum, kata Menteri Kewangan, Encik Lawrence Wong.

Singapura, kata beliau, adalah negara majmuk yang menyepadkan masyarakat pelbagai bangsa, khususnya daripada tiga tamadun utama yang kompleks - China, India dan Asia Tenggara.

Sedang latar kehidupan seseorang atau sesuatu kaum itu berbeza, itu tidak bermakna ia menjadi lesen bagi tanggapan serong.

"Saya pernah bercakap tentang hal ini sebelumnya dalam konteks 'Keistimewaan Cina'. Sebagai contoh, seorang wanita Cina dari latar kehidupan miskin akan mengalami pengalaman hidup sangat berbeza berbanding seorang lelaki Cina daripada keluarga kaya.

"Keistimewaan Cina' bukan hanya satu stereotaip sedemikian. Ramai dalam kalangan kita mempunyai tanggapan tersendiri tentang latar etnik, jantina, agama atau ke- taatan politik seseorang.

"Golongan minoriti, terutamanya, lebih terdedah kepada sikap prejudis; dan kita semua mesti sedar sikap stereotaip sebegini.

"Kita mesti elak daripada mengurangkan pemahaman kita mengikut satu dimensi sahaja. Ini akan mengakibatkan pandangan kita menjadi lebih tegar ke atas mereka yang berbeza daripada kita, dan lama-kelamaan, kita akan melihat semua isu-isu ini daripada lensa sedemikian," kata Encik Wong.

Beliau berkata demikian dalam ucapan di persidangan mengenai identiti anjuran Institut Pengajian Dasar (IPS) dan Sekolah Pengajian Antarabangsa S. Rajaratnam (RSIS), yang membincang tentang peningkatan semangat berpuak, atau tribalisme, dan politik identiti dan bagaimana ia akan menjejaskan Singapura, semalam.

Encik Wong berkata sekiranya tanggapan stereotaip itu kekal, ia akan lebih menyukarkan semua pihak mencari kesaksamaan atau huraian yang bermanfaat bagi semua kumpulan.

Beliau juga mengingatkan rakyat Singapura supaya jangan memecahbelahkan masyarakat menjadi kumpulan lebih kecil.

"Ini boleh kita lihat dalam sesetengah masyarakat - feminis (pejuang hak wanita) berbulu hitam tidak boleh pandang feminis kulit putih; atau satu minoriti berasingan ia harus lebih terkesan berbanding minoriti lainnya; dan seterusnya.

"Kita mesti lawan nalar hendak mengasingkan diri kita dan memulaukan yang lain, tetapi sebaliknya bersedia membangunkan kefahaman dan kesaksamaan merentasi jalur identiti," kata Encik Wong.

Hakikatnya, tambah beliau, semua orang punya identiti yang pelbagai dan ia suatu yang benar bagi identiti kaum dan agama dan bagi beberapa identiti lain.

"Sebagai warga Singapura, tidak bermakna kita perlu menyebarkan identiti kita yang lain. Kita mungkin seorang yang berbangsa Cina, Melayu, India, Serani atau bangsa lain, tetapi yang pertama dan utama sekali, kita adalah warga Singapura.

"Begitu juga, tanpa mengira jantina atau orientasi seksual kita, tak kisahlah apa pun perkara yang kita perjuangkan, kita semua lebih dahulu akui sebagai warga Singapura," katanya.

Sebagai sebuah masyarakat, rakyat negara ini perlu terus memberi harapan dan peluang saksama agar seluruh rakyat Singapura dapat menikmati kehidupan baik, tambah Encik Wong.

Meningkatnya politik melampau di banyak negara maju disebabkan besarnya disebabkan masalah ekonomi mereka, ujar beliau.

"Kedua pertengahan di banyak negara Barat semakin hilang kedudukan mereka untuk beberapa dekad.

"Sebuah isi rumah kini berdepan kedudukan pendapatan yang rendah, dengan anak-anak tidak lebih maju daripada ibu bapa mereka. Luluskan muktamad gagal menjadi pekerjaan dan menganggu hutang persokoan.

"Ini adalah perkara yang kita lihat di Singapura. Jadi kita mesti terus bekerja keras untuk mengawal pertumbuhan, dan memastikan semua warga Singapura boleh berjaya dalam mengejar cita-cita mereka," kata Encik Wong.



EMPAT 'RAMUAN' LAWRENCE WONG

► **PERTAMA**

Untuk menanggapi semangat berpuak dan politik identiti, rakyat Singapura harus memperkukuh hubungan manusiaawi

► **KEDUA**

Mesti elak membuat tanggapan stereotaip ke atas seseorang kumpulan orang atau menanggapi yang sesuatu masyarakat itu monolitik atau punya sikap yang sama (homogeneous)

► **KETIGA**

Tampilkan sikap diri yang lebih baik

► **KEEMPAT**

Sebagai sebuah masyarakat, warga Singapura mesti terus memberi seluruh rakyat Singapura harapan dan peluang saksama untuk menikmati kehidupan baik

HARUS BERI HARAPAN: Encik Wong berucap di persidangan mengenai identiti anjuran Institut Pengajian Dasar (IPS) dan Sekolah Pengajian Antarabangsa S. Rajaratnam (RSIS) semalam. Beliau berkata sebagai sebuah masyarakat, rakyat Singapura perlu terus memberi harapan dan peluang saksama agar seluruh rakyat negara ini dapat menikmati kehidupan yang lebih baik. - Foto IPS

Dasar tidak statik, boleh dibincang dan diubah

► **ATTIYAH MOHD SAID**
attyiahm@spn.com.sg

DASAR yang dihasilkan pemerintah tidak bersifat statik dan boleh dibincang serta diperlembat, dan pemerintah akan terus berusaha mencari cara menetapkan dasar sesuai, kata Menteri Kewangan, Encik Lawrence Wong.

Ini seperti yang dilakukan dalam perubahan dasar berhubung pemakaian tudung oleh pekerja penjagaan kesihatan, ujar beliau.

Dalam sesi soal jawab semasa persidangan mengenai identiti anjuran Institut Kajian Dasar (IPS) dan Sekolah Pengajian Antarabangsa S. Rajaratnam (RSIS) semalam, ada peserta bertanya pendapat Encik Wong adakah identiti tunggal Singapura hasil daripada perkembangan dan masyarakatkan beberapa tahun lalu dan bagaimana identiti tunggal itu dapat digabungkan dengan idea baru generasi baru.

Encik Wong menjawab: "Identiti warga Singapura tidak pernah bersifat tunggal. Sebagaimana saya pernah katakan, kita mempunyai identiti berbilang dan kita tidak harus menolak identiti berbilang ini... anda boleh menjadi warga Singapura dan semua itu.

"Saya fikir yang penting ialah mencari kesamaan yang boleh kita kongsi sebagai rakyat Singapura dan ini penting kerana ia asas bagi mana-mana



BINCANG DASAR: Perbincangan dengan masyarakat, seperti sesi yang dianjurkan Menteri Undang-Undang, Encik S. Shanmugam, Mac lalu berhubung pemakaian tudung pekerja penjagaan kesihatan, adalah antara pendekatan pemerintah dalam membina masyarakat sebarang dasar. - Foto fail

negara dan masyarakat."

Beliau berkata pada akhirnya ia adalah tentang cara rakyat berinteraksi dan berhubung dengan satu sama lain dan percaya pada satu sama lain.

"Dan ini nampak seperti sesuatu yang jelas dan mudah, tetapi ini adalah sesuatu yang pesat berubah," ujarnya.

Beliau menekankan lagi jaminan pemerintah akan berusaha menjadi perantara adil dan jujur. Pemerintah akan mendengar semua pihak yang membahaskan isu dan berusaha memahami

bagaimana sikap dan pemikiran berubah kerana semua ini akan berubah.

"Ia bukanlah kedudukan statik. Dalam kami melakukan sesuatu, apabila keputusan dasar perlu dibuat, kami akan berusaha mencari dasar yang sesuai."

Dalam beberapa situasi, kami mungkin membuat keputusan selepas melakukan perbincangan dan pertimbangan agak lama bagi membuat penyelesaian pada dasar, seperti dilakukan bagi isu tudung bagi jururawat.

"Ada juga yang kami mungkin putus untuk kekal sesuatu dasar, tetapi akan membongkakan kelonggaran, seperti dilakukan bagi Dasar Integrasi Etnik (EIP) bagi flat HDB," ujar beliau.

Justeru proses membina perbincangan berlaku, berhubung dengan rendah diri dan menghemat satu sama lain serta memahami dasar hari ini tidak pernah statik kerana dasar akan mencerminkan keseimbangan yang berubah dalam masyarakat.

'Harmoni yang dinikmati kini boleh berubah'

SEBUAH konflik berdarah lebih ganas daripada beberapa rusuhan kaum pada 1964 melibatkan orang Melayu dan Cina pernah tercetus di Singapura.


Ia melibatkan pertentangan antara masyarakat Hokkien dan Teochew pada Mei 1854 dan rusuhan berlaku lebih 10 hari. Dianggarkan lebih 400 orang terbunuh dan lebih ramai cedera dan kira-kira 300 rumah terbakar.

Menurut catatan sejarah, punca konflik itu ialah keengganan masyarakat Hokkien "menyeret angkatan lawan untuk membantu pemberontak yang diusir dari Amoy - kini dikenali sebagai Xiamen - oleh tentera Maharaja China".

Menceritakan peristiwa itu semalam untuk menggambarkan identiti yang kelihatan stabil yang dipandang sambil lewa oleh rakyat Singapura pada tidak semestinya tidak boleh berubah, Menteri Kewangan, Encik Lawrence Wong, berkata:

"Kita tidak boleh mengandaikan keharmonian yang kita nikmati sekarang kukuh, apatah lagi berkekalan.

"Ia seolah-olah sangat menghairankan kepada kita hari ini, tetapi baru sahaja 150 tahun lalu, identiti puak, atau lebih tepat 'dialek' dalam kalangan orang Cina di Singapura,



serta di China, mengatasi identiti kaum, budaya dan nasional mereka sebagai orang Cina.

"Atau pertembungan ini: nasionalisme Singapura (dan nasionalisme Melayu yang mendahului) mendapat inspirasi daripada nasionalisme berasingan bagi kaum komponen Singapura.

"Jika tidak ada Revolusi China (1911 dan 1949); jika tidak ada gerakan nasional India yang membawa

kepada kemerdekaan India dan Pakistan pada 1947; jika tidak ada Revolusi Indonesia yang membawa kepada kemerdekaan pada 1948 - tidak ada warga Singapura (Cina, Melayu atau India) terfikir kemungkinan mengadakan nasionalisme keSingapuraan."

Merumuskan, Encik Wong berkata wajar rakyat negara ini mengingat- kan diri mereka betapa kaum di sini berpecah belah seluruh dua lalu.

BOLEH BERUBAH: Rusuhan kaum di kawasan Kallang pada 1964. Encik Wong berkata rakyat Singapura tidak boleh mengandaikan keharmonian kaum yang dikenali sekarang kukuh, apatah lagi akan berkekalan. - Foto fail

"Malah, identiti mantap yang kita kini ambil sambil lewa - Cina, Melayu, India; belum lagi identiti keSingapuraan - tidak stabil sama sekali," katanya di persidangan tentang identiti anjuran Institut Pengajian Dasar (IPS) dan Sekolah Pengajian Antarabangsa S. Rajaratnam (RSIS), yang membincang tentang peningkatan semangat berpuak, atau tribalisme, dan politik identiti dan bagaimana ia akan menjejaskan Singapura, semalam.

Budaya pentingkan diri sendiri semakin tular dalam masyarakat

SEMANGAT hidup berkampung di Singapura pada 1950-an dan 1960-an membantu rakyat negara ini lebih terjal dan aktif dalam masyarakat mereka, kata Menteri Kewangan, Encik Lawrence Wong.

Bagaimanapun, sejak kebelakangan, terdapat penekanan lebih ketara pada kepentingan diri sendiri, tetapi masyarakat di mana-mana umumnya lebih berpecah, dan orang ramai lebih terhubung dan aktif dalam masyarakat masing-masing.

"Di Singapura kita mengamalkan 'Semangat Kampung'. Sejak beberapa dekad dahulu, terdapat penekanan lebih ketara terhadap

budaya (yang menekankan kepentingan) diri sendiri.

"Semuanya tentang bagaimana 'saya nak bebas untuk jadi diri sendiri'. Kita melihat ini lebih jelas di Amerika Syarikat dan sebagainya di Eropah, tetapi ia semakin memular dalam masyarakat di mana-mana," kata Encik Wong.

Namun, katanya, sedang tunjukkan pada individu telah membina banyak kemajuan dalam banyak bidang, ia boleh memudaratkan masyarakat.

Ini seperti dinyatakan penulis popok *New York Times*, David Brooks, bahawa apabila rasa diri semakin besar, melebihi masyarakat, kita menyempitkan diri akan menguasai diri dan hubungan antara satu sama lain akan lemah.

"Ini akan membawa kepada kesunyian dan pengasingan. Apabila orang berasi sepi dan terasing, mereka akan kembali kepada sikap dahulu masyarakat kita - kembali berpuak."